

DISCUSSIONUM PERIPATETICARUM  
TOMI III LIBER I

**Discordia Aristotelis cum quatuor veteribus theologis**

5       Concordiam Aristotelis cum veteribus philosophis in omni  
philosophiae parte antecedentis Tomi libris 8 prosecuti sumus,  
uti nobis persuademus non negligentissime. Praesenti vero libris  
7 aliis discordiam eiusdem cum iisdem eodem certe labore, uti-  
nam eodem etiam effectum, prosequi in animo est.

10       Quam enim discordiam ostensurum me sperem inter virum  
hunc ac praeceptorem Platonem? Quos Porphyrius septem libris,  
quos Simplicius, Boethius, Picus, Vimercatus viri magni concordem  
esse omnino et asseverarunt et etiam perscripserunt aut in mente  
perscribere habuerunt? Quorum nullius tamen scripta ad posteros  
15       pervenerunt. Quibus si fortuna pepercisset vitaeque ea donasset,  
aut eos concordem esse constaret aperte, aut labore hoc aut errore  
me liberassent. Sum enim in hac sententia hosce viros vel non po-  
tuisse promissis stare, vel Aristotelem aliud cogitasse, aliud scrip-  
sisse, aut me nunquam quicquam ulla in re intellexisse.

20       Potuisse quidem illos et summa ingenii vi et summa doctri-  
na, quibus excelluerunt, eandem hanc, quam nos hac ingenii  
exilitate ac ruditate, longe melius, uberius, clarius, ornatius con-  
cordiam praestare: sed nullam discordiam inter eos duos philo-  
sophos maximos fuisse, nulla in re Aristotelem a Platone dissen-  
25       tire voluisse, id vero eos praestare non potuisse arbitror. Quibus  
enim argumentis aut collationibus id effici posse credam, si vi-  
deam Aristotelem non tam dogmata sua explicare, quam phi-  
losophorum veterum omnium dogmata profligare in proposito  
habuisse? Qui eos, a quibus dogmatum suorum omnium lati-  
30       ces hausisset, acerrimo quodam odio persecutus esse videatur?  
Quos plusquam CCL locis nominatim carpsit? Sine nomine vero  
plusquam mille? Antiquiores suique temporis philosophos atque